

14. Decimaquarta gradatio per quartum liquorē aquosum. Sumatur mercurij vigesies à sale armoniaco sublimati libra vna, florum veneris, florum martis, florū sulphuris, florum antimonij ana vncia vna. Trita misceantur omnia simul, & in aquam resolui sinantur. Hæc aqua nullo prorsum indiget opere laboréve: nam in hanc proiecta metalla, pauco tempore digesta, & postmodum fulminata, mirum in modum ad suum transmutationis gradum adducuntur. Alia gradatio lunæ cū oleo mercurij, per appendicem. Fiat oleū ex mercurio sublimato & aqua forti, multoties vt suprà cohobando vel redestillando, quousq; in oleum conuertatur; in hoc impelle spiritus aquæ fortis igne violentissimo, postmodum imposita luna granuiata conuertetur in solē. Tandem regali cimentetur, & optimus erit.

De vexationibus Alchimistarum.

CAP. XXII.

ABSOLVTIS gradationibus metallorum atq; cimentis, ad vexationes Alchimistarum veniendum postremo loco